

四庫全書

集部

欽定四庫全書

集部

唐詩鏡卷

五十二

詳校官庶吉士 臣 范逢恩

主事銜 臣 徐以坤 覆勘

總校官編修 臣 王燕緒

校對官待詔 臣 胡士震

謄錄監生 臣 王 官

欽定四庫全書

唐詩鏡卷五十

明陸時雍編

晚唐第二

杜牧

字牧之京兆人善屬文太和二年舉進士復舉賢良方正拜殿中侍御史遷中書舍人剛直有奇節

不為齷齪小謹敢論列大事時無有援者卒年五十初牧夢人告曰爾應名畢復夢書皎皎白駒字緘而炊甑裂牧曰不祥乃自為墓誌悉取所為文章焚之有樊川集二十卷牧於詩情致豪邁人號為小杜云

五言古詩

題安州浮雲寺樓寄湖州張郎中

去夏踈雨餘同倚朱欄語當時樓下水今日到何處恨  
如春草多事與孤鴻去楚岸柳何窮別愁紛若絮

五言律詩

東都送鄭處誨校書歸上都

悠悠渠水清雨霽洛陽城槿墮初開艷蟬聞第一聲故  
人容易去白髮等閒生此別無多語期君晦盛名

四語  
淺趣

附題新竹 聲  
破寒憲夢句佳

七言律詩

懷鍾陵舊遊

十頃平湖堤柳合岸秋  
蘭芷綠纖纖一聲明月采蓮女  
四面朱樓卷畫簾  
白鷺煙分光的的  
微漣風定翠沾沾

徒兼切  
斜暉更落西山影  
千步虹橋氣象兼

語氣錚錚  
疊字三見

初春雨中舟次和州橫江裴使君見迎李趙二

秀才同來因書四韻兼寄江南許渾先輩

芳草渡頭微雨時  
萬株楊柳拂波垂  
蒲根水暖鴈初浴  
梅徑香寒蜂未知  
辭客倚風吟暗淡  
使君迴馬濕旌旗  
江南仲蔚多情調  
悵望春陰幾首詩

同趙二十二訪張明府郊居聯句

陶潛官罷酒罍空  
門掩楊花一夜風  
牧古調詩吟山色

裏無絃琴在月明中  
般遠簷高樹宜幽鳥  
出岫孤雲逐

晚虹  
牧別後東籬數枝菊  
不知閒醉與誰同  
般

附九日齊山登高 江涵秋影鴈初飛  
與客提壺上翠微 塵世難逢開口笑  
菊花須插滿頭歸 但將酩酊酬佳節  
不用登臨恨落暉 古往今來只如此  
牛山何必淚霑衣

附早鴈仙掌月明孤影  
過長門燈暗數聲來

### 七言絕句

#### 題華清宮

長安廻望繡成堆 山頂千門次第開  
一騎紅塵妃子笑 無人知是荔枝來

似記  
事語

遊池州林泉寺金碧洞

袖拂霜林下石稜潺湲聲斷滿溪水携茶臘月遊金碧  
合有文章病茂陵

冷然  
清趣

柳

數樹新開翠影齊倚風情態被春迷依依故國樊川恨  
半掩村橋半拂溪

愁緒  
漫爛



赤壁

折戟沈沙鐵未銷  
自將磨洗認前朝  
東風不與周郎便  
銅雀春深鎖二喬

第二語滯色  
未句響調

泊秦淮

烟籠寒水月籠沙  
夜泊秦淮近酒家  
商女不知亡國恨  
隔江猶唱後庭花

寄揚州韓綽判官

青山隱隱水遙遙  
秋盡江南草木凋  
二十四橋明月夜  
玉人何處教吹簫

斑竹筒簾

血染斑斑成錦紋  
昔年遺恨至今存  
分明知是湘妃泣  
何忍將身卧淚痕

和嚴憚秀才落花

其惜流年留不得  
且環流水醉流杯  
無情紅艷年年盛  
不恨凋零却恨開

未語鍾  
情之甚

倡樓戲贈

細柳橋邊深半春  
纈衣簾裏動香塵  
無端有寄閒消息  
背插金釵笑向人

秋夕

銀燭秋光冷畫屏  
輕羅小扇撲流螢  
天階夜色涼如水  
坐看牽牛織女星

冷然情致坐看  
不若卧看佳

宮詞

監宮引出暫開門  
隨例趨朝不是恩  
銀鑰却收金鎖合  
月明花落又黃昏

遣懷

落魄江南載酒行  
楚腰腸斷掌中輕  
十年一覺揚州夢  
占得青樓薄倖名

情至語  
白耿耿

歎花

自恨尋芳到已遲  
往年曾見未開時  
如今風擺花狼籍  
綠葉成陰子滿枝

山行

逶上寒山石徑斜  
白雲深處有人家  
停車坐愛楓林晚  
霜葉紅於二月花

句 簡

聞角

曉樓烟檻出雲霄  
景下林塘已寂寥  
城角為秋悲更遠

護霜雲破海天遙

澹遠

華清宮

零葉翻紅萬樹霜  
玉蓮開葉暖泉香  
行雲不下朝元閣  
一曲淋鈴淚數行

行雲二字取高唐賦未  
正不必切語自堪詠

客有卜居不遂薄游汧隴因題

海燕西飛白日斜  
天門遙望五陵家  
樓臺深鎖無人到

落盡東風第一花

許秀才至辱李蘄州絕句問斷酒之情因寄

有客南來話所思  
故人遙枉醉中詩  
暫因微疾須防酒  
不是歡情減舊時

登澧州驛樓寄京兆韋尹

尹曾典此郡

一話涪陽舊使君  
郡人迴首望青雲  
政聲長與江聲在  
自到津樓日夜聞

杜牧七言絕句婉轉多情韻亦  
不乏此自劉夢得以後一人

附送隱者一絕 無媒徑路草蕭蕭自古雲林  
遠市朝公道世間唯白髮貴人頭上不曾饒

附贈別 多情却似總無情唯覺鐔前笑  
不成蠟燭有心還惜別替人垂淚到天明

許渾

字仲晦丹陽人太和六年進士為太平縣令後辟  
監察御史歷睦郢二州刺史有丁卯集二卷行于世

五言律詩

早秋

遙夜泛清瑟西風生翠蘿殘螢委玉露早鴈拂金河高  
樹曉還密遠山晴更多淮南一葉下自覺老烟波

與裴秀才自越西歸阻凍登丘山寺



春草越吳間，心期旦夕還。  
酒鄉逢客病，詩境遇僧閒。  
倚棹水生浦，登樓雪滿山。  
東風不可待，歸鬢坐來斑。

六語  
景趣

與侯春時同年南池夜話

蘆葦暮修修，谿禽上釣舟。  
露涼花斂夕，風靜竹含秋。  
素志應難契，清言豈易求。  
相歡一瓢酒，明日醉西樓。

三四清  
素韻饒

再寄殷堯藩秀才

直道知難用經年向水濱宅從栽竹貴家為買書貧就  
學多新客登朝盡故人蓬萊自有路莫羨武陵春

語雖淺淺

却有天致

附秋日赴闕題澶關驛樓紅葉晚蕭蕭長亭酒一  
歌殘雲歸太華疎雨過中條樹色隨關迎河聲入海  
送帝鄉明日到猶自夢漁樵附寄契盈上人鴈來秋  
水潤鴉盡夕陽沈寄題商洛王隱居草閣平春水柴  
門掩夕陽送南陵李少府劍在心猶  
壯畫窮鬢已斑語雖淺近致各自成

七言律詩

凌歊臺

當塗縣西宋高祖築今太平州

宋祖凌歌樂未回三千歌舞宿層臺  
湘潭雲盡暮山出巴蜀雪消春水來  
行殿有基荒薺合寢園無主野棠開  
百年便作萬年計  
岳畔古碑空綠苔

咸陽城東樓

一上高城萬里愁  
蒹葭楊柳似汀洲  
溪雲初起日沈閣  
山雨欲來風滿樓  
鳥下綠蕪秦苑夕  
蟬鳴黃葉漢宮秋  
行人莫問當年事  
故國東來渭水流

凌歊臺咸陽東樓三四俱作仄調以取輕俊此其  
病與盛唐人好雄渾同雄渾則氣易不清輕俊則

格多不正詩家  
要道雅歸中正

宿望亭館寄蘇州一二同志

候館人稀夜自長  
姑蘇城遠樹蒼蒼  
江湖水落高樓迥  
河漢秋歸廣簟涼  
月轉碧梧移鵲影  
露低紅葉濕螢光  
西園詩侶應多思  
莫醉笙歌掩畫堂

與張道士同訪李隱君不遇

千巖萬壑獨携琴  
知在陵陽不可尋  
去轍已平秋草遍  
空齋長掩暮雲深  
霜寒橡栗留山鼠  
月冷菰蒲散水禽

唯有西隣張仲蔚坐來同愴別離心

五六實景  
語氣亦秀

附題舒女廟 山樂來迎去不言廟前高柳水禽喧  
綺羅無色雨侵帳珠翠有聲風繞幡粧鏡尚疑山月

滿寢屏猶認野花繁孤舟夢斷行雲  
散何限離心寄曉猿 五六晚甚

附驪山 聞說先王醉碧桃日華浮動鬱金袍風隨  
玉輦笙歌迴雲捲珠簾劍佩高鳳駕北歸山寂寂龍

旛西幸水涵涵蛾眉沒後  
巡遊少瓦落官墻見野蒿

附滄浪峽一聲溪鳥暗雲散萬片野花流水香陪尚  
書在公宴海榴堂風傳鼓角霜侵戟雲捲旌旗月上  
樓謝病東歸春耕旋構金門客夜學兼修王府書郊  
居風吹藥蔓迷樵徑雨暗蘆花失釣船卧病病中送

容難為別夢裏還家不當歸其中儘有好句第初唐  
七律風味最饒盛唐性情間出中晚專求聲句故不  
也及

七言絕句

緱山廟

王子求仙月滿臺玉笙清轉鶴徘徊曲終飛去不知處  
山下碧桃春自開

秋日

琪樹西風華簟秋楚雲湘月憶同遊高歌一曲掩明鏡

昨日少年今白頭

雍陶

字國鈞成都人太和八年進士大中間自國子毛詩博士出為簡州刺史詩十卷

七言絕句

天津橋春望

天津橋春水浸紅霞  
烟柳風絲拂岸斜  
翠輦不來金殿閣  
宮鶯銜出上陽花

和孫明府懷舊山

五柳先生本在山  
偶然為客落人間  
秋來見月多歸思

自起開籠放白鷗

城西訪友人

澧水橋邊小路斜日高猶未到君家村原門巷多相似  
處處春風枳殼花

風味  
自佳

魏扶

七言絕句

大中初知禮闈入貢院因題此詩



梧桐葉落滿庭陰  
鎖閉朱門試院深  
曾是當年辛苦地  
不將今日負前心

言可

翼世

劉得仁

貴王之子自開成至大中三朝昆弟俱顯得仁苦於詩出入舉場三十年卒無成詩一卷

七言絕句

悲老宮人

白髮宮娃不解悲  
滿頭猶自插花枝  
曾緣玉貌君王寵  
准擬人看似舊時

自寵復

自憐

附姚鵷玉真觀尋趙尊師不遇羽客朝元晝掩扉  
林中一徑雪中微松陰逸院鶴相對山色滿樓人未  
歸盡日獨思風馭返寥天幾望野雲飛  
凭高目斷無消息自醉自吟愁落暉

馬戴

字虞臣會昌中為太學博士宣宗大中初為李  
司空幕下書記以正言斥貶為龍陽尉詩一卷

五言律詩

山行偶作

緣危路忽窮投宿值樵翁鳥下山含暝蟬鳴露滴空石  
門斜月入雲竇暗泉通寂寞生幽思心疑舊隱同

送柳秀才往連州看弟

離人非逆旅有弟謫連州  
楚雨霑猿暮湘雲拂鴈秋  
蕙葭行廣澤星月棹寒流  
何處江關鏢風濤阻客愁

鍊琢

江行留別

吳楚半秋色渡江逢葦花  
雲侵帆影盡風逼鴈行斜  
返照開嵐翠寒潮蕩浦沙  
余將何所往海嶠擬營家

響句

早發故園

語別在中夜登車離故鄉曙鐘寒出寺殘月迴凝霜風  
柳條多折沙雲氣盡黃行逢海西鴈零落不成行

四語  
鍊

送僧歸金山寺

金陵山色裏蟬急向秋分迴寺橫洲島歸僧渡水雲夕  
陽依岸盡清磬隔潮聞遙想禪林下鑪香帶月焚

送人遊蜀

別離楊柳陌迢遞蜀門行若聽清猿後應多白髮生  
虹蜺侵棧道風雨雜江聲過盡愁人處烟花是錦城

結語  
足慰

同莊秀才宿鎮星觀

的的星河落霑苔復洒松濕光微泛草石翠澹搖峰野  
觀雲和月秋城漏聞鐘知君覩此境九陌少相逢

附鮑防員外見尋因書情呈贈少小為儒不自強  
如今懶復見侯王擊鏡已知身漸老買山將作計偏  
長荒涼鳥獸同三徑掠亂琴書共一牀  
猶有郎官來問疾時人莫道我佯狂

五言律

送顧少府之永康

婺女星邊去春生即有花  
寒闕雲復雪古渡草連沙  
宿次吳江晚行侵日微  
斜官傳梅福政縣顧赤松家  
燒起明山翠潮迴動海霞  
清高宜閱此莫歎近天涯

送和北虜使

路始陰山北迢迢雨雪天  
長城人過少砂磧馬難前  
日入流沙際陰生瀚海邊  
刁鐃向月動旌纛冒霜懸  
逐獸

孤園合交兵一箭傳穹廬移冒頓烽火絕祁連漢將行  
持節胡兒坐控弦明妃的迴面南送使君旋

送冊東夷王使

越海傳金冊華夷禮命行片帆秋色動萬里信潮生日  
映孤舟出沙連絕島明翳空翻大鳥飛雪灑長鯨舊鬢  
迴應改遐荒夢易驚何當理風楫天外問來程

送僧歸閩中舊寺

寺隔海山遙帆前落葉飄斷後通楚塞鷺鷥出蘭橈星

月禪波島烟蘿度石橋鐘聲催野飯秋色落寒潮舊社  
人多老閒房樹半凋空林容病士歲晚待相招

七言絕句

出塞詞

金帶連環束戰袍馬頭衝雪度臨洮  
卷旂夜劫單于帳亂斫胡兒缺寶刀

趙嘏

字承祐山陽人會昌三年進士大中間仕至渭南尉有渭南集三卷又編年詩二卷並傳

七言律詩



長安秋望

雲物淒涼拂曙流，漢家宮闕動高秋。  
殘星幾點鴈橫塞，長笛一聲人倚樓。  
紫艷半開籬菊靜，紅衣落盡渚蓮愁。  
鱸魚正美不歸去，空戴南冠學楚囚。

三四景色歷

寂意象自成

長安月與友人語故山

宅邊秋水浸苔磯，日日持竿去不歸。  
揚柳風多潮未落，蒹葭霜落鴈初飛。  
重嘶匹馬吟紅葉，却聽疎鐘憶翠微。

今夜秦關滿城月故人相見一沾衣

七言絕句

東亭柳

拂水斜烟一萬條  
幾隨春色醉河橋  
不知別後誰攀折  
猶自風流勝舞腰

薛能

字大拙汾州人會昌三年進士累官都官刑部員外郎後為京兆尹徙徐州節度使移鎮武昌為賊

所殺集  
十卷

七言絕句

中秋旅舍書懷

雲卷庭虛月逗空一方秋草盡鳴蟲是時兄弟正南北  
黃葉滿階來去風

銅雀臺

魏帝當時銅雀臺黃花深映棘叢開人生富貴須回首  
此地豈無歌舞來

語落  
題外

李中

五言律詩

泉

潺潺青嶂底來處一何長  
漱石苔痕滑侵松鶴夢涼  
泛花穿竹塢瀉月下蓮塘  
想得歸何處天涯助渺茫

三四免俗如春日野望煖風醫病草甘雨洗荒村  
句雖琢雅趣似少竹憲秋睡美扶浦夜漁寒上句  
佳

七言律詩

送姚端秀才遊毘陵

毘陵嘉景太湖邊才子經遊稱少年風弄青帝沽酒市  
月明紅袖採蓮船若耶晝畫應相似若在毘陵越岫吳  
峰盡接連此去高吟須早返廣寒丹桂莫遷延

三四風  
味絕勝

附留題胡參卿秀才幽居竹蔭庭除蘚色濃道心  
安逸寂寥中扣門時有栖禪客澆酒多招採藥翁江  
近好聽菱芡雨徑香偏愛蕙蘭風我  
慙名宦猶拘束脫屣心情未得同

七言絕句

春閨辭

塵昏菱鑑懶修容  
雙臉桃花落盡紅  
玉色夢歸殘燭在  
曉鶯窻外嘯梧桐

思胸陽春遊感舊寄柴司徒

南陌風和舞蝶狂  
惜春公子戀斜陽  
高歌飲罷將迴轡  
衣上花兼百草香

末語

風味

孟遲

字升之平昌人曾  
昌及第詩一卷

七言絕句

長信宮

君恩已盡欲何歸，猶有殘香在舞衣。  
自恨身輕不如燕，春來還繞御簾飛。

閨情

山上有山歸不得，湘江暮雨鷓鴣飛。  
蘼蕪亦是王孫草，莫遣春香送客衣。

項斯

字子遷，江東人。會昌三年及第，授丹徒縣尉。卒於任。斯於竇厯開成之際，聲價特甚，為張水部所

知集一卷，傳尚書楊敬之雅愛其詩，所至稱之。

五言律詩

和李中丞醉中期王徵君月夜同遊澹水舊居

醉後情俱遠難忘素澹間照花深處月當戶舊時山事  
想同清話歡期一破顏風流還愛竹此夜尚思閒

三四澹  
語佳

附宿胡氏溪亭客來因月  
宿林勢向山移語有微致

李鄴

七言律詩



碧淥宴上有懷知己

荻花蘆葉滿溪流一簇笙歌在水樓  
金管曲長人盡醉玉簪恩重獨生愁  
女蘿力弱難逢地桐樹心孤易感秋  
莫怪當歡却惆悵全家欲上五湖舟

陳陶

字嵩伯番陽人武宣間自稱三教布衣好遊學善天文長於雅頌有文錄十卷傳麗情集云嚴守牧

豫章陳陶隱西山操行清潔守欲撓之遣小妓蓮花往侍焉陶殊不采妓乃獻詩求去云蓮花為號玉為腮珍重尚書遣妾來處士不生巫峽夢虛勞神女下陽臺後人移其事為陳圖南非也

七言絕句

隴西行

誓掃匈奴不顧身  
五千貂錦喪胡塵  
可憐無定河邊骨  
猶是深閨夢裏人

此詩不減盛唐  
第格力稍下耳

唐詩鏡卷五十

欽定四庫全書

唐詩鏡卷五十一

明 陸時雍 編

晚唐第三

溫庭筠

本名岐字飛卿并州祁人彥博之後少敏悟工為辭章與李商隱皆有詩名時號溫李然薄於

行多作側詞艷曲數舉不第大中未上書千言執政鄙其人授方山尉徐商署為巡官徐敗遂廢一云開成中庭筠才名籍甚然不拘細行以文為質識者鄙之執政有奏庭筠攪擾場屋謫方城令有詩集五卷

漢南真稿十卷握蘭金荃等集並傳

庭筠詩如浪蓋浮花初無  
根蒂麗而浮者傷其質矣

五言古詩

西洲詞

悠悠復悠悠昨日下西洲  
西洲風色好遙見武昌樓  
武昌何鬱鬱儂家定無匹  
小婦被流黃登樓撫瑤瑟  
朱絃繁復輕素手直淒清  
一彈三四解掩抑似含情  
南樓登且望西江廣復平  
艇子搖兩槳催過石頭城  
門前烏桕樹慘澹天將曙  
鷓鴣飛復還郎隨早帆去  
迴頭語同伴

定復負情儂去帆不安幅作底使西風他日相尋索莫  
作西洲客西洲人不歸春草年年碧

稍傍梁語  
了無真緒

### 江南曲

妾家白蘋浦日上芙蓉檝  
軋軋搖漿聲移舟入芙蓉溪  
長芙蓉深作底難相尋  
避郎郎不見鷓鴣自浮沈  
拾萍萍無根採蓮蓮有子  
不作浮萍生寧為藕花死  
岸傍騎馬郎烏帽紫遊韁  
含愁復含笑迴首問橫塘  
妾住金陵

浦門前朱雀航流蘇持作帳芙蓉持作梁出入金犢憶  
兄弟侍中郎前年學歌舞定得郎相許連娟眉繞山依  
約腰如杵鳳管悲若咽鸞弦嬌欲語扇薄露紅鉛羅輕  
壓金縷明月西南樓珠簾玳瑁鉤橫波巧能笑鸞蛾不  
識愁花開子留樹草長根依土上聞金溝遠底事歸郎  
許不學閨中婦朝朝淚如雨

西洲詞江南曲情致  
散漫古詞當不如是

和沈參軍招友生觀芙蓉池

桂棟坐清曉，瑤瑟商鳳絲。  
况聞楚澤香，適與秋風期。  
遂從棹萍客，靜笑烟草湄。  
倒影迴澹蕩，愁紅媚連漪。  
湘莖久鮮涇，宿雨增離披。  
而我江海意，楚遊動夢思。  
北渚水雲葉，南塘烟霧枝。  
豈亡臺樹芳，獨與鷗鳥知。  
珠墜魚迸淺，影多鳧汎遲。  
落英不可攀，返照昏澄陂。

燒歌

起來望南山，山火燒山田。  
微紅久如滅，短燭復相連。  
差差向巖石，冉冉凌青壁。  
低隨迴風盡，遠照蒼節赤。  
隣翁

能楚言倚鍾欲潸然自言楚越俗燒畝為早田  
豆苗蟲促促籬上花當屋廢棧豕歸欄廣場雞  
啄粟新年春雨晴處處賽神聲持錢就人卜敲  
瓦隔林鳴卜得山上卦歸來桑棗下吹火向白  
茅腰鑣映頰蔗風驅榭葉烟榭樹連平山迸星  
拂霞外飛爐落堦前仰面呻復噉鴉娘呪豐歲  
誰知蒼翠容盡作官家稅

語綺  
禁如

七言古詩



春曉曲

家臨長信往來道  
乳燕雙雙拂烟草  
油壁車輕金犢肥  
流蘇帳曉春雞早  
籠中嬌鳥暖猶睡  
簾外落花閒不掃  
衰桃一樹近前池  
似惜紅顏鏡中老

聲調  
作嬌

春愁曲

紅絲穿露珠簾冷  
百尺啞啞下織綆  
遠翠愁山入卧屏  
兩重雲母空烘影  
涼簪墜髮春眠重  
玉兔氤氳柳如夢

錦疊空床委墜紅  
颼颼掃尾雙金鳳  
蜂喧蝶駐戲悠揚  
柳拂赤欄纖草長  
覺後梨花委平綠  
春風和雨吹池塘

晚歸曲

格格水禽飛帶波  
孤光斜起夕陽多  
湖西山淺似相笑  
菱刺惹衣攢黛蛾  
青絲繫船向江木  
蘭芽出土吳江曲  
水極晴搖汎灩紅  
草平春染烟綿綠  
玉鞭騎馬楊叛兒  
刻金作鳳光參差  
丁丁暖漏滴花影  
催入景陽人不知  
鸞堤弱林遙相矚  
雀扇團團掩香玉  
蓮塘艇子歸不得

柳暗桑穠聞布穀

道情處在  
意似之間

湘東夜宴曲

湘東夜宴金貂人  
楚女含情嬌翠頰  
玉管將吹插鈿帶  
錦囊斜拂雙麒麟  
重城漏斷孤帆去  
惟恐瓊籤報天曙  
萬戶沈沈碧樹圓  
雲飛雨散知何處  
欲上香車俱脈脈  
清歌響斷銀屏隔  
堤外紅塵蠟炬歸  
樓前澹月連江白

夜宴謠

長釵墜髮雙蜻蜓碧盡山斜開畫屏虬鬚公子五侯客  
一飲千鍾如建瓴鸞咽妖唱圓無節眉斂湘烟袖迴雪  
清夜恩情四座同莫令溝水東西別亭亭蠟淚香珠殘  
暗露曉風羅幕寒飄飄戟帶儼相次二十四枝龍畫竿  
裂管縈絃共繁曲芳樽細浪傾春醪高樓客散杏花多  
脈脈新蟾如瞪目

錦城曲

蜀山攢黛留晴雪簌簌葳芽縈九折江風吹巧翦霞綃

花上千枝杜鵑血杜鵑飛入巖下叢夜叫思歸山月中  
巴水漾情情不盡文君織得春機紅怨魄未歸芳草死  
江頭學種相思子樹成寄與望鄉人白帝荒城五十里

閒情野况  
繚繞如一夢中

### 蘭塘詞

塘水汪汪鳧唼喋憶上江南木蘭檝繡頭金鬚蕩倒光  
團團皺綠雞頭葉露凝荷卷珠淨圓紫菱刺短浮根纏  
小姑歸晚紅粧淺鏡裏芙蓉照水鮮東溝滴滴勞回首

欲寄一杯瓊液酒知道無郎却有情長教月照相思柳

深著語淺著情  
是温家本色

### 堂堂曲

錢塘岸上春如織  
森森寒潮帶晴色  
淮南遊客馬連嘶  
碧草迷人歸不得  
風飄客意如吹烟  
纖指殷勤傷鴈絃  
一曲堂堂紅燭筵  
長鯨瀉酒如飛泉

寡趣

### 謝公墅歌

朱雀航南繞香陌謝郎東墅連春碧鳩眠高柳日方融  
綺榭飄飄紫庭客文楸方罫花參差心陣未成星滿池  
四座無喧梧竹靜金蟬玉柄俱持頤對局含情見千里  
都城已得長蛇尾江南王氣繫踈襟未許苻堅過淮水

心陣語奇趣雅麗二道各有所宜作謝公墅詩  
須平林曠野淡淡踈踈如庭筠此詩謂之不韻

### 懊惱曲

藕絲作線難勝針藥粉染黃那得深玉白蘭芳不相顧  
青樓一笑輕千金莫言自古皆如此健劍刺鐘鉛繞指

三秋庭綠盡迎霜唯有荷花守紅死廬江小吏朱斑輪  
柳縷吐芽香玉新兩股金釵已相許不令獨作空成塵  
悠悠楚水流如馬恨紫愁紅滿平野野土千年怨不平  
至今燒作鴛鴦瓦

末二語最奇麗 庭筠詩祇  
欲詞色相當不必定情何似

張靜婉採蓮歌 并序

靜婉羊侃妓也其容絕世侃自為採蓮二曲今樂府  
所存失其故意因歌以俟採詩者事具載梁史



蘭膏墜髮紅玉春燕釵拖頸拋盤雲城邊楊柳向嬌晚  
門前溝水波粼粼麒麟公子朝天容珂馬璫璫渡春陌  
掌中無力舞衣輕剪斷鮫綃破春碧抱月飄烟一尺腰  
麝臍龍髓憐嬌繞秋羅拂水碎光動露重花多香不銷  
瀾瀾交交塘水滿綠芒如粟蓮莖短一夜西風送雨來  
粉痕零落愁紅淺船頭折藕絲暗牽藕根蓮子相留連  
郎心似月月未缺十五十六清光圓

語極嬌艷之致未數語更復風  
騷麒麟公子四句屬何要緊

鷄鳴埭曲

南朝天子射雉時  
銀河耿耿星參差  
銅壺漏斷夢初覺  
寶馬塵高人未知  
魚躍蓮東蕩宮沼  
濛濛御柳懸栖鳥  
紅粧萬戶鏡中春  
碧樹一聲天下曉  
盤踞勢窮三百年  
朱方殺氣成愁烟  
彗星拂地浪連海  
戰鼓渡江塵漲天  
繡龍畫雉填宮井  
野火風驅燒九鼎  
殿巢江燕砌生蒿  
十二金人霜炯炯  
芊綿平綠臺城基  
暖色春容荒古陂  
寧知玉樹後庭曲  
留待野棠如雪枝

罩魚歌

朝罩罩城南暮罩罩城西兩槳鳴幽幽蓮子相高低持  
罩入深水金鱗大如手魚尾迸圓波千珠落緗藕風颭  
颭雨離離菱尖刺鷓鷯飛水連網眼白如影浙瀝蓬聲  
寒點微楚岸有花花蓋屋金塘柳色前溪曲悠溶杳若  
去無窮五色澄潭鴨頭綠

翠色  
欲滴

湖陰詞

祖龍黃鬚珊瑚鞭鐵驄金面青連錢虎髯拔劍欲成夢  
日壓賊營如血鮮海旗風急驚眠起甲重光搖照湖水  
蒼黃追騎塵外歸森索妖星陣前死五陵愁碧春萋萋  
灞川玉馬空中嘶羽書如電入青鎖雪腕如槌催畫鞞  
白虬天子金煌銳高臨帝座迴龍章吳波不動楚山晚  
花壓闌干春晝長

塞寒行

燕弓弦勁霜飛及撲簌寒鷗睇平野一點黃塵起鴈喧

白龍堆下千蹄馬河源怒濁風如刀剪斷朔雲天更高  
晚出榆關逐征北驚沙飛迸衝貂袍心許凌烟名不滅  
年年錦字傷離別絲毫一畫竟何榮空使青樓淚成血

五言律詩

中書令裴公挽歌詞

箭下妖星落風前殺氣迴國香荀令去樓月庾公來玉  
璽終無慮金滕竟不開空嗟薦賢路芳草滿燕臺

商山早行

晨起動征鐸，客行悲故鄉。  
雞聲茅店月，人迹板橋霜。  
槲葉落，山路枳花明。  
驛牆因思杜陵夢，鳧滿迴塘。

三四太似逼削至渚宮晚春鳧鴈野塘水牛羊春草烟更為少味矣

偶題

孔雀眠高閣，櫻桃拂短簷。  
畫明金冉冉，語玉纖纖細。  
雨無妨燭，輕寒不觸簾。  
欲將紅錦段，因夢寄江淹。

春日野行

騎馬踏烟莎，青春奈怨何。  
蝶翎朝粉盡，鴉背夕陽多。  
柳

艷敗芳帶山愁縈翠蛾別情無處說方寸是星河

末語

巧思

附初秋寄友人  
閒夢正悠悠涼風生竹樓夜琴知  
欲雨曉簾覺新秋獨鳥楚山遠一蟬闕樹愁憑將離

別恨江外

問同遊

附早秋山居  
果落見猿過葉乾聞鹿行送洛陽主簿  
樹葉曉迷路  
秋花春滿庭柳古三春色鶯偷百鳥聲  
語俱佳

七言律詩

七夕

鵲歸燕去兩悠悠青瑣西南月似鈎天上歲時星石轉  
世間離別水東流金風入樹千門夜銀漢橫空萬象秋  
蘇小橫塘通桂楫未應清淺隔牽牛

春暮宴罷寄宋壽先輩

斜掩朱門花外鐘曉鶯時節好相逢  
牕間桃蘂宿粧在  
雨後牡丹春睡濃蘇小風姿迷下蔡  
馬卿才調似臨邛  
誰憐芳草生三徑參佐橋西陸士龍

寒食前有懷



萬物鮮華雨乍晴春寒寂歷近清明殘芳在再雙飛蝶  
曉睡朦朧百轉鶯舊侶不歸成獨酌故園雖在有誰耕  
悠然更起嚴灘恨一宿東風蕙草生

回中作

蒼莽寒空遠色愁嗚嗚戍角上高樓吳姬怨思吹雙管  
燕客悲歌動五侯千里關山邊草暮一星烽火朔雲秋  
夜來霜重西風起隴水無聲凍不流

偶遊

曲巷斜臨一水間，小門終日不開關。  
紅珠斗帳櫻桃熟，金尾屏風孔雀閒。  
雲鬢幾迷芳草蝶，顏黃無限夕陽山。  
與君便是鴛鴦侶，休向人間覓往還。

宿杜城亡友李羽處士故墅

一作里

柳不成絲草帶烟，海槎東去鶴歸天。  
愁腸斷處春何限，病眼開時月正圓。  
花若有情還悵望，水應無事莫潺湲。  
終知此恨難消遣，辜負南華第二篇。

經舊遊

珠箔金鈎對綵橋昔年於此見嬌嬈  
香燈悵望飛瓊鬢  
涼月殷勤碧玉簫屏倚故牕  
山六扇柳垂寒砌露千條  
壞墻經雨蒼苔遍拾得當時舊翠翹

題韋籌博士草堂

玄晏先生已白頭不隨鴛鴦狎羣鷗  
元卿謝免開三徑  
平仲朝歸卧一裘醉後獨知殷  
甲子病來猶作晉春秋  
滄浪未濯塵纓在野水無情處處流

庭筠七律屢色新聲相  
逼而就此已不求格力

和道溪君別業

積潤初銷碧草新  
鳳陽晴日帶雕輪  
絲飄弱柳平橋晚  
雪點寒梅小院春  
屏上樓臺陳後主  
鏡中金翠李夫人  
花房透露紅珠落  
峽蝶雙飛護粉塵

三四風  
味絕佳

題李處士幽居

水玉簪頭白角巾  
瑤琴寂歷拂輕塵  
濃陰似帳紅薇晚  
細雨如烟碧草春  
隔竹見籠疑有鶴  
捲簾看畫靜無人

南山自是忘年友，谷口徒稱鄭子真。

馬嵬驛

穆滿曾為物外遊，六龍經此暫淹留。  
返魂無驗青烟滅，埋血空生碧草愁。  
香輦却歸長樂殿，曉鐘還下景陽樓。  
甘泉不復重相見，誰道文成是故侯。

宿雲際寺

白蓋微雲一逕深，東風弟子遠相尋。  
蒼苔路熟僧歸寺，紅葉聲乾鹿在林。  
高閣清香生靜境，夜堂疎磬發禪心。

自從紫桂巖前別不見南能直至今

四語  
佳絕

老君廟

紫氣氤氳捧半巖  
蓮峯仙掌共巉巖  
廟前晚色連寒水  
天外斜陽帶遠帆  
百二關山扶玉座  
五千文字闕瑤緘  
自憐金骨無人識  
知有飛龜在石函

五六  
擔當

春日將欲東歸寄新及第苗紳先輩

幾年辛苦與君同，得喪悲歡盡是空。  
猶喜故人先折桂，自憐羈客尚飄蓬。  
三春月照千山道，十日花開一夜風。  
知有杏園無路入，馬前惆悵滿枝紅。

六句  
佳絕

五言排律

洞戶

洞戶連珠網，方疏隱碧潯。  
燭盤烟墜燼，簾壓月通陰。  
粉白仙郎署，霜清玉女砧。  
醉鄉高窈窕，碁陣靜愔愔。  
素手

琉璃扇玄髻玳瑁簪昔邪看寄迹梳子詠同心樹列千  
秋勝樓懸七夕針舊詞翻白紵新賦換黃金唳鶴調蠻  
鼓驚蟬應寶琴舞疑繁易度歌轉斷難尋露委花相妬  
風歌柳不禁橋彎雙表迴池漲一篙深清蹕傳恢囿黃  
旗幸上林神鷹參翰苑天馬破蹄涔武庫方題品文園  
有好音朱莖殊菌蠢丹桂欲蕭森黼帳迴瑤席華燈對  
錦衾畫圖驚走獸書帖得來禽河曙秦樓映山晴魏闕  
臨綠囊逢趙后青鑠見王沈任達嫌孤憤踈慵倦九箴



若為南遁客猶作卧龍吟

爽氣清音  
掃除塵悶

寄渚宮遺民弘里生

柳弱河堤曲籬疎水巷深酒闌初促席歌罷欲分襟波  
月欺華燭汀雲潤故琴鏡清花並蒂林冷簟連心荷疊  
平橋閣萍稀敗舫沈城頭五通鼓牕外萬家砧異縣魚  
投浪當年鳥共林八行書未滅千里夢難尋未肯睽良  
願空期嗣好音他時因詠作猶得比南金

五言絕句

澗碧驛曉思

香燈伴殘夢，  
楚國在天涯。  
月落子規歇，  
滿庭山杏花。

七言絕句

長安春晚

曲江春半日遲遲，  
正是王孫悵望時。  
杏花落盡不歸去，  
江上東風吹柳絲。

元處士池上

蓼穗菱叢思蟪蛄水螢江鳥滿烟蒲愁紅一片風前落  
池上秋波似五湖

車駕西遊因而有作

宣曲長陽瑞氣凝上林狐兔待秋鷹誰將詞賦隨雕輦  
寂寞相如卧茂陵

彈箏人

天寶年中事玉皇曾將新曲教寧王鈿蟬金鴈今零落  
一曲伊州淚萬行

瑶瑟怨

水簟銀床夢不成，碧天如水夜雲輕。  
鴈聲遠過瀟湘去，十二樓中月自明。

夏中病痞作

山鬼揚威正氣愁，便辭珍簟襲狐裘。  
西牕一夕悲人事，圓扇無情不待秋。

庭筠數絕悠裕  
不迫意味儘佳

經故翰林袁學士居

劍逐驚波玉委塵  
謝安門下更何人  
西州城外花千樹  
盡是羊曇醉後春

春字最楚花時  
對此倍為慘然

李頻

字德新睦州人宣宗大中八年進士調秘書郎官  
員外郎除建州刺史頻治建以禮法化下更布教

條建賴以安卒葬於永樂州為立祠  
黎山歲祀之至宋錫王封有集一卷

五言律詩

送人遊吳

楚田開雪後  
草色與君省  
積水浮春氣  
深山滯雨寒  
毘

陵孤月出建業一鐘殘為把鄉書去因收別淚難

三四語

氣佳

七言絕句

春日旅舍

未識東西南北路青春白日坐銷難如何一別故園後  
五度花前五處看

末語

足傷

聞金吾妓唱梁州

聞君一曲古梁州驚起黃雲塞上愁  
秦女樹前花正發  
北風吹落滿城秋

氣格絕

似盛唐

贈涇州王侍御

一旦天書下紫微三年旌旆隴雲飛  
塞門無事春空到  
邊草青青戰馬肥

李羣玉

字又山澧州人大中間詣闕上表宰相崔鉉進其詩以處士除弘文館校書郎唐藝文志云裴

休觀察湖南厚延致之及為相以詩論薦授校書郎有詩三卷後集五卷並行

七言律詩

杜丞相棕筵中贈美人

裙拖六幅瀟湘水，髻挽巫山一片雲。  
貌態祇應天上，有歌聲豈合世間聞。  
胸前瑞雪燈斜照，眼底桃花酒半醺。  
不是相如憐賦客，肯教容易見文君。

起二語絕聳  
五句俚氣

湘陰江亭寄友人

湘岸初晴淑景遲，風光正是客愁時。  
幽花暮落騷人水。



芳草春深帝子祠  
往事隔年如過夢  
舊遊迴首漫勞思  
烟波自此扁舟去  
酌酒聯文杳未期

黃陵廟

小孤洲北浦雲邊  
二女明粧共儼然  
野廟向江春寂寂  
古碑無字草芊芊  
東風日暮吹芳芷  
落日山深哭杜鵑  
猶似含顰望巡狩  
九嶷愁黛隔湘川

李郢

字楚望大中進士為藩鎮從事終於侍御史又按九國志郢長安人唐末避亂嶺表集一卷

七言律詩

錢塘青山題李隱居西齋

小隱西亭為客開，翠蘿深處遍青苔。  
林間掃石安棋局，巖下分泉遞酒杯。  
蘭葉露光秋月上，蘆花風起夜潮來。  
湖山遠屋猶嫌淺，欲棹漁舟近釣臺。

司馬禮

大中時人工詩  
時稱為先輩

七言絕句

宮怨

柳色參差掩畫樓，曉鶯啼送滿宮愁。  
年年花落無人見

空逐春泉出御溝

劉駕

字司南江東人大  
中時官國子博士

五言古詩

曲江春霽

宿雨洗秦樹  
舊花如新開  
池邊草未乾  
日照人馬來  
馬蹄踏流水  
漸漸成塵埃  
鴛鴦不敢下  
飛繞岸東西  
此地喧仍舊  
歸人亦滿街

戰城南

城南征戰多城北無饑鴉白骨馬蹄下誰言皆有家城  
前水聲苦倏忽流萬古莫爭城外城城裏終間土

三四語苦  
未二語警

寄遠

雪花豈結子徒滿連理枝嫁與征人妻不得長相隨去  
年君點行賤妾是新歸別早見未熟入夢無定姿悄悄  
空閨中蛩聲遠羅帷得書喜猶甚况復見君時

有真  
語

早行

馬上續殘夢馬嘶時復驚心孤多所虞僮僕近我行  
栖禽未分散落月照古城莫羨居者閒冢邊人已耕

馬上續殘夢最  
佳末語帶感懷

上馬歎

羸馬行遲遲頑童去我遠時時一回顧不覺白日晚路  
傍豪家宅樓上紅粧滿十月庭花開花前吹玉管君當未  
貴日豈不常屯蹇如何見布衣忽若塵入眼布衣豈常

賤世事車輪轉

五言絕句

築臺詞

漢武築通天  
役者苦之

前杵與後杵築城聲不住我願築更高得見秦王墓

七言絕句

長門怨

御泉長遠鳳凰樓只是恩波別處流  
閒摺舞衣歸未得  
夜來砧杵六宮秋

杜荀鶴

字彥之池州人早有詩名累舉不第大中間進士遷主客員外郎天祐初卒自號九華山人有

唐風集三卷或云牧之妾有娠出嫁帥士杜筠生荀鶴

五言律詩

春宮怨

早被嬋娟誤欲粧  
臨鏡慵承恩不在貌  
教妾若為容風暖  
鳥聲碎日高花影重  
年年越溪女相憶採芙蓉

三四善怨五

六纏繡語

附送陳昉婦麻川麻川清見底似入武陵溪兩岸山相向三春鳥亂啼酒旗和柳動僧屋似雲齊即此

吾鄉路懷  
君夢不迷

七言絕句

旅舍遇雨

月華星彩坐來收  
嶽色江聲暗結愁  
半夜燈前十年事  
一時和雨到心頭

語格  
早甚

儲嗣宗

大中十三年  
進士及第

五言律詩



春遊望仙谷

清無車馬塵深洞百花春  
雞犬疑沾藥耕桑似避秦  
登山採樵路臨水浣紗人  
若得心無事移家便卜鄰

經故人舊居

萬里訪遺塵鶯聲淚濕巾  
古書無主散廢宅與山鄰  
宿草風悲夜荒村月弔人  
淒涼問殘柳今日為誰春

七言絕句

小樓

松杉風外亂山青  
曲几焚香對石屏  
空憶去年春雨後  
燕泥時污太玄經

曹鄴

字鄴之桂州人常為四愁三愁五情詩為舍人韋  
愨所知力薦於主司大中時登進士第官洋州刺

史集  
三卷

五言古詩

洛原西望

築城畏不堅  
城堅心自毀  
秦樹滿平原  
秦人不居此  
猶為泣路者  
無力報天子

城南野居寄知己

奔走未到我在城如在村出門既無意豈如常閉門作  
詩二十載闕下名不聞無人為開口君子獨有言身為  
苦寒士一笑亦感恩慙慙中途上勿使車無輪

起四語真  
趣不俗

從天平節度使遊平流園

池塘靜於寺俗事不到眼下馬如在山令人忽踈散明  
公有高思到此遂長返乘興挈一壺折荷以為盞入竹

藤似蛇侵墻水成蘚幽鳥不識人時來拂冠冕沿流路  
若窮及行路猶遠洞中已云夕洞口天未晚自憐不羈  
者寫物性常簡翻愁此興多引得嵇康嬾

始皇陵下作

千金買魚燈泉下照狐兔行人上陵過却弔扶蘇墓纍  
纍壙中物多於養生具若使山可移應將秦國去舜歿  
雖在前今猶未封樹

語多  
警切

代羅敷誚使君

常言愛嵩山別妾向東京朝來見人說却知在石城未  
必菖蒲花只向石城生自是使君眼見物皆有情麋鹿  
同上山蓮藕同在泥莫學天上日朝東暮還西

慧心  
徒口

風人體

出門行一步形影便相失何況大堤上驄馬如箭疾夜  
夜如織婦尋思待成疋郎只不在家在家亦如出將金

與卜人譎道遠行吉念郎緣底事不具天與日

棄婦

嫁來未曾出此去長別離父母亦有家羞言何以歸此  
日年且少事姑常有儀見多自成醜不待顏色衰

七言律詩

題濮廟

曉祭瑤齋夜扣鐘  
鼇頭風起浪重重  
人間直有仙桃種  
海上應無肉馬蹤  
赤水夢沈迷象罔  
翠華恩斷泣芙蓉

不知皇帝三宮駐始向人間著袞龍

送進士下第歸南海

數片紅霞映夕陽攬君衣袂更移觴行人莫歎碧雲晚  
上國每年春草芳雪過藍闕寒氣薄鴈回湘浦怨聲長  
應無惆悵滄浪遠十二玉樓非我鄉

五言絕句

早起

月墮滄浪西開門樹無影此時歸夢闌立在梧桐井

古莫買妾行

千扇不當路未似開一門若遣綠珠醜石家應尚存

四怨三愁五情詩十二首

并序

鬱於內者怨也阻於外者愁也犯於性者情也三者  
有一賊於前必為顛為沴為蚤死人艱專仁誼久矣  
有舉不得用心恐中去聲斯物殞天命幸未死間作四  
怨三愁五情以望詩人救

一怨



美人如新花許嫁還獨守豈無青銅鏡終日自疑醜

二怨

庭花已結子巖花猶美色誰令生處遠用盡春風力

三怨

短蘂一如螭長眉一如蛾相共棹蓮舟得花不如他

四怨

手推嘔啞車朝朝暮暮耕未曾分得穀空得老農名

一愁

遠夢如水急白髮如草新歸期待春至春至還送人

二愁

澗草短短青山月朗朗明此夜目不掩屋頭鳥啼聲

三愁

別家鬢未生到城鬢似髮朝朝臨川望灞水不入越

一情

東西是長江南北是官道牛羊不戀山只戀山中草

二情

阿嬌生漢宮西施住南國專房莫相妬各自有顏色

三情

蛺蝶空中飛天桃庭中春見他夫婦好有女初嫁人

四情

檳榔自無柯椰葉自無陰常羨庭邊竹生筍高於林

五情

野雀空城饑交交復飛飛勿怪官倉粟官倉無空時

甲第

遊人未入門花影出門前將軍來此住十里無荒田

庭草

庭草根自淺造化無遺功低回一寸心不敢怨春風

樂府體

蓮子房房嫩菖蒲葉葉齊共結池中根不厭池中泥

築城

郎有薜蘿心妾有芙蓉質不辭嫁與郎築城無休日  
築人非築城圍秦豈圍我不知城上土化作宮中火

七言絕句

早秋宿田舍

澗草踈踈螢火光  
山月朗朗楓樹長  
南村犢子夜聲急  
應是攔邊新有霜

劉滄

字蘊靈魯人大中八年進士調華原尉遷龍門令

七言律詩

與重幽上人話舊

雲飛天末水空流  
省與師同別異州  
庭樹蟬聲初入夏

石牀苔色幾經秋，燈微靜室生鄉思。  
月上嚴城話旅遊，自喜他年接巾舄。  
滄浪地近虎溪頭。

寄遠

西園楊柳暗驚秋，寶瑟朱絃結遠愁。  
霜落鴈聲來紫塞，月明人夢在青樓。  
蕙心迢遞湘雲暮，蘭思縈迴楚水流。  
錦字織成添別恨，關河萬里路悠悠。

唐詩鏡卷五十一